

Книга жажы. Ижын ортчиз удмурт литературалы сйзем книгаен тодматскон

Верещагин бордысен Гавриловозь


• Юлия Малых

Кызы ивортэ «Удмуртия» ивортодэтъя агентство, Ижкарысь Национальной лыдзисконниын выль книгаен тодматон ужрад ортчиз. Калык азе поттэмын вал «История удмуртской литературы. Конец XIX – середина XX века» монография.

Книгаын висъяське вить люкет. Нырысетйяз удмурт литературалэн кутсконэз сярысь вераськон мынэ. Кылсярысь, та люкетын бадзым саклык висямын Григорий Верещагинлэн творчествоезлы, кудйз кема дыр чоже рос-прос эскерымтэ вал.

Кыкетй люкетын XIX-тй даурлэн пумаз но XX-тй даурлэн кутсконаз удмурт литературалэн азинскемез возматэмын. Чапак соку гожьяськызы Иван Михеев, Иван Яковлев, Михаил Можгин, Михаил Ильин, Максим Прокопьев, Кедр Митрей но мукетёсыз.

1917-1939-тй арёсы ужал



• **«История удмуртской литературы. Конец XIX - середина XX века» книгаысь вуж ттуспуктэмъёсты но шедьтыны луэ./** тт-спуктэм басьтэмын «Удмуртия» ивортодэтъя агентстволэн вк бамысьтыз.

авторьёслэн произведениоссы эскеремын монографилэн куинетй люкетаз. Татчы пыро Кедр Митрейлэн революции бере ужъёсыз, Кузубай Гердлэн, Ашальчи Окилэн, Григоорий Медведлэн, Михил Коноваловлэн творчествозы. Палэнэ ёвёл кельтэмын Матвей Кельдовлэн, Михаил Ти-

машевлэн, Айво Ивилэн, Александр Эриклен, Мария Баженовалэн гожьяськемзы.

Нылетй люкетэ пыризы Быдзым Атыкай ожлэсь азьвыл, ож дыръя но ож бере вакытэз возматон. Литературамез соку выль произведениосын узырмытйзы Михаил Петров, Филипп Ке-

дров, Пётр Блинов, Игнатий Гаврилов, Михаил Лямин но мукет автортёс.

Нош берпуметйез люкет сйзе мын чеберлыко литератураз кылысь кылэ берыктон ужлы.

Удмурт литературалы сйзем монография куинь томен поттэмын луоз. Уж мынэ ини кыкетй книгаез дасянья. Татын вераськон мыноз литературалэн XX-тй даурлэн кыкетй жыныяз азинскемез сярысь. Лыдзисъёсты XVIII-XI X-тй дауръёсы берыктос монографилэн куинетй томен.

Нялтас вераса

Монография бордын 13 өнерчиос указы, кылкутись редактор луиз филологи тодосъя доктор Василий Ванюшев.